



საქართველოს შინაგან საქმეთა მინისტრის
ბ რ ძ ა ნ ე ბ ა

08/ 12 2016 წ.

თბილისი

№ 693

საქართველოს შინაგან საქმეთა სამინისტროს დროებითი მოთავსების იზოლატორებში
მოშინაგან პირთა მოთავსების პირობების შესახებ ინსტრუქციის დამტკიცების
თაობაზე

„საქართველოს შინაგან საქმეთა სამინისტროს დებულების დამტკიცების შესახებ“ საქართველოს
მთავრობის 2013 წლის 13 დეკემბრის №337 დადგენილების მე-5 მუხლის მე-2 პუნქტის „ა“ და „ნ“
ქვეპუნქტების საფუძველზე, ვბრძანებ:

მუხლი 1

დამტკიცდეს საქართველოს შინაგან საქმეთა სამინისტროს დროებითი მოთავსების იზოლატორებში
მოშინაგან პირთა მოთავსების პირობების შესახებ ინსტრუქცია თანდართული რედაქციით.

მუხლი 2

ბრძანება ამოქმედდეს ხელმოწერისთანავე.

მინისტრი

გიორგი მდებრიშვილი



ინსტრუქცია

საქართველოს შინაგან საქმეთა სამინისტროს დროებითი მოთავსების იზოლატორებში მოშიმშილე პირთა მოთავსების პირობების შესახებ

მუხლი 1. ზოგადი დებულებანი

1. საქართველოს შინაგან საქმეთა სამინისტროს (შემდგომში – სამინისტრო) დროებითი მოთავსების იზოლატორებში (შემდგომში – იზოლატორი) მოშიმშილე პირთა მოთავსების პირობების შესახებ ინსტრუქცია (შემდგომში – ინსტრუქცია) აწესრიგებს იზოლატორში მოთავსებული პირის მიერ შიმშილობის დაწყების შემთხვევაში მისი მოთავსებისა და მოვლის პირობებს.
2. ამ ინსტრუქციის მოქმედება ვრცელდება მხოლოდ იმ იზოლატორებზე, რომლებშიც ფუნქციონირებს სამედიცინო პუნქტი. იმ იზოლატორის მოსამსახურე, რომელშიც არ ფუნქციონირებს სამედიცინო პუნქტი, ვალდებულია, უზრუნველყოს მოშიმშილისათვის უწყვეტი სამედიცინო დახმარების აღმოჩენა სასწრაფო სამედიცინო ბრიგადის საშუალებით.

მუხლი 2. ტერმინთა განმარტება

ამ ბრძანების მიზნებისთვის წინამდებარე ინსტრუქციაში გამოყენებულ ტერმინებს აქვს შემდეგი მნიშვნელობა:

- ა) მოთავსებული პირი – იზოლატორში მოთავსებული საქართველოს სისხლის სამართლის საპროცესო კოდექსის, საქართველოს ადმინისტრაციულ სამართალდარღვევათა კოდექსის შესაბამისად დაკავებული ან პატიმრობაზეფარდებული პირი, ასევე საქართველოს კანონმდებლობით გათვალისწინებულ შემთხვევებში საქართველოდან გაძევების მიზნით დაკავებული უცხოელი;
- ბ) შიმშილობა – მდგომარეობა, როდესაც იზოლატორში მოთავსებული პირი გაცნობიერებულ უარს აცხადებს საკვების ნაწილობრივ ან სრულად მიღებაზე;
- გ) შიმშილობის დაწყების დრო – დრო, როდესაც პირი ზეპირად ან წერილობით განაცხადებს შიმშილობის დაწყების თაობაზე;
- დ) შიმშილობის შეწყვეტის დრო – დრო, როდესაც მოშიმშილე პირი ზეპირად ან წერილობით განაცხადებს შიმშილობის შეწყვეტის თაობაზე;
- ე) ინფორმირებული თანხმობა – მოშიმშილე პირის თანხმობა სამედიცინო მომსახურებაზე, მათ შორის ხელოვნურ კვებაზე, იმის შემდეგ, რაც მას მიეწოდა ინფორმაცია: სამედიცინო მომსახურების არსის, საჭიროებისა და მოსალოდნელი შედეგების შესახებ, ამ მომსახურებასთან დაკავშირებული, მისი ჯანმრთელობისა და სიცოცხლისათვის რისკის თაობაზე, განზრახული სამედიცინო მომსახურების სხვა, ალტერნატიული ვარიანტებისა და ამ უკანასკნელთა თანხმობის რისკისა და შესაძლო ეფექტიანობის, ასევე სამედიცინო მომსახურებაზე უარის თქმის მოსალოდნელი შედეგების შესახებ;
- ვ) ოჯახის წევრი – მოშიმშილე პირის მშობელი, შვილი, მეუღლე, და-ძმა, პაპა და ბებია, შვილიშვილი.

მუხლი 3. შიშშილობის დაწყებისას გასატარებელი ღონისძიებები

1. შიშშილობის დაწყების შემთხვევაში, მოშიშშილის წერილობითი ან ზეპირი ინფორმაციის საფუძველზე, იზოლაციის მოსამსახურე (შემდგომში – მოსამსახურე) ადგენს შიშშილობის გამოცხადების შესახებ ოქმს (დანართი №1) ექიმისა და მოშიშშილის თანდასწრებით, რის შესახებაც დაუყოვნებლივ ეცნობება იზოლაციის უფროსს. ოქმში მიეთითება შიშშილობის დაწყების თარიღი, დრო და მოშიშშილის მოთხოვნები. ოქმის შედგენამდე პირს განემარტება მისთვის ინსტრუქციით დადგენილი მოშიშშილის მიმართ მოპყრობის წესი და უფლება-მოვალეობები. ოქმის შედგენის შემდგომ იზოლაციის უფროსი ამის თაობაზე დაუყოვნებლივ აცნობებს სამინისტროს დროებითი მოთავსების უზრუნველყოფის დეპარტამენტის (შემდგომში – დეპარტამენტი) დირექტორს და ტერიტორიულობის პრინციპის დაცვით საქართველოს პროკურატურის შესაბამის საოლქო პროკურატურასა (შემდგომში – პროკურატურა) და საქართველოს სახალხო დამცველის აპარატს (შემდგომში – სახალხო დამცველი) და შიშშილობის მიზეზის გათვალისწინებით, აგრეთვე შესაბამის ორგანოს ან/და ორგანიზაციას (ასეთის არსებობის შემთხვევაში). უცხოელი მოშიშშილის შემთხვევაში დეპარტამენტი ვალდებულია, შიშშილობის დაწყების შესახებ აცნობოს ასევე დიპლომატიურ ან საკონსულო წარმომადგენლობას.
2. თუ იზოლაციაში მოთავსებულ პირს არ აქვს გამოცხადებული შიშშილობა, მაგრამ გაურკვეველი მიზეზების გამო 24 საათის განმავლობაში არ მიიღო საკვები ულუფა, მოსამსახურე ამის შესახებ დაუყოვნებლივ აცნობინებს იზოლაციის ექიმს (შემდგომში – ექიმი). ექიმი ვალდებულია, უზრუნველყოს ასეთი მოთავსებული პირის ჯანმრთელობის მდგომარეობის ზოგადი შემოწმება.
3. დაუშვებელია მოშიშშილის საქართველოს კანონმდებლობით დადგენილი უფლებების შეზღუდვა.

მუხლი 4. მოსამსახურის უფლება-მოვალეობანი

1. მოსამსახურე მოშიშშილეს დაუყოვნებლივ განუმარტავს შიშშილობის დროს მის მიმართ მოპყრობის წესს, მოთავსების პირობებსა და უფლება-მოვალეობებს.
2. მოსამსახურე ვალდებულია, გამოარკვიოს მოშიშშილის მიერ შიშშილობის დაწყების მიზეზი და ამის თაობაზე დაუყოვნებლივ აცნობოს იზოლაციის უფროსს. იზოლაციის უფროსი პასუხისმგებელია, აღნიშნული ინფორმაცია დაუყოვნებლივ მიეწოდოს დეპარტამენტის დირექტორს, პროკურატურას, სახალხო დამცველს, შესაბამის ორგანოს ან/და ორგანიზაციას (ასეთის არსებობის შემთხვევაში), რაც აისახება შიშშილობის გამოცხადების შესახებ ოქმში. უცხოელი მოშიშშილის შემთხვევაში დეპარტამენტი ვალდებულია, შიშშილობის დაწყების შესახებ აცნობოს ასევე დიპლომატიურ ან საკონსულო წარმომადგენლობას.
3. თუ მოშიშშილის კანონიერი მოთხოვნის დაკმაყოფილება შეუძლია იზოლაციის უფროსის კომპეტენციაში, მან დაუყოვნებლივ უნდა იმოქმედოს საქართველოს კანონმდებლობის შესაბამისად და შეძლებისდაგვარად დააკმაყოფილოს მოშიშშილის კანონიერი მოთხოვნა, რის თაობაზეც იგი აცნობებს მოშიშშილეს, ექიმს, დეპარტამენტის ხელმძღვანელობას, პროკურატურასა და სახალხო დამცველს, ხოლო თუ მოშიშშილე უცხოელია – ასევე დიპლომატიურ ან საკონსულო წარმომადგენლობას.
4. თუ მოშიშშილის მოთხოვნების დაკმაყოფილება სცილდება იზოლაციის უფროსის კომპეტენციას, მოსამსახურე გატარებული ღონისძიებების თაობაზე აცნობებს მოშიშშილეს და დეპარტამენტის ხელმძღვანელობას.
5. შიშშილობის დაწყების შემთხვევაში ინფორმაცია მოშიშშილის ოჯახის წევრს ან კანონიერ წარმომადგენელს მიეწოდება მოშიშშილის წერილობითი თანხმობის საფუძველზე, ხოლო თუ მოშიშშილე არასრულწლოვანია – მისი თანხმობის გარეშე. თუ შიშშილობის შედეგად მოშიშშილის ჯანმრთელობის მდგომარეობა დამძიმდა,

რაც დასტურდება ექიმის დასკვნით, მოსამსახურე ამის თაობაზე დაუყოვნებლივ აცნობებს მოშიშხილის ოჯახის წევრს ან კანონიერ წარმომადგენელს.

6. მოშიშხილის მიერ შიმშილობის შეწყვეტის შემთხვევაში იზოლატორის მოსამსახურე ვალდებულია, ამის თაობაზე აცნობოს იზოლატორის უფროსს. იზოლატორის უფროსი პასუხისმგებელია, აღნიშნული ინფორმაცია მიეწოდოს ყველა იმ ორგანოსა და პირს, ვინც ინფორმირებული იყო შიმშილობის დაწყების შესახებ.

7. მოშიშხილის მიმართ მოსამსახურის მხრიდან არასათანადო მოპყრობის, ასევე ამ ინსტრუქციით გათვალისწინებული უფლებების სავარაუდო დარღვევის ფაქტების აღმოჩენის შემთხვევაში, მოსამსახურე დაუყოვნებლივ აცნობებს საქართველოს კანონმდებლობით გათვალისწინებულ შესაბამის ორგანოებს.

მუხლი 5. მოშიშხილის მიმართ მოპყრობის წესი და მისი მოთავსების პირობები

1. მოშიშხილის იძულებითი მკურნალობა დაუშვებელია. შიმშილობის დროს სამედიცინო დახმარების გაწევა, მათ შორის ხელოვნური კვება, დასაშვებია მხოლოდ მოშიშხილის ინფორმირებული თანხმობით, გარდა იმ შემთხვევებისა, როდესაც სამედიცინო დახმარების განხორციელების გარეშე გარდაუვალია მოშიშხილის სიკვდილი, რის თაობაზეც გადაწყვეტილება უნდა იქნეს დადასტურებული მინიმუმ ერთი სხვა დამოუკიდებელი საექიმო საქმიანობის სუბიექტის მიერ მაინც.

2. შიმშილობის დაწყებისას და შემდგომში ყოველდღიურად, ექიმი მოშიშხილეს განუმარტავს იმ საფრთხეებსა და რისკებს, რაც შეიძლება მისი ჯანმრთელობის მდგომარეობას მიაყენოს შიმშილობამ და განსაკუთრებით ხანგრძლივმა შიმშილობამ. ექიმი ადგენს შესაბამის ოქმს ან აკეთებს მოშიშხილის ხელმოწერით დადასტურებულ ჩანაწერს, რათა დარწმუნდეს, რომ მოშიშხილემ გაათვითცნობიერა მიღებული ინფორმაცია.

3. მოშიშხილის სამედიცინო შემოწმების შედეგების გათვალისწინებით ექიმი შეიმუშავებს შესაბამის რეკომენდაციებს და წარუდგენს იზოლატორის უფროსს.

4. შიმშილობის დაწყებიდან არაუგვიანეს 6 საათისა მოშიშხილეს უტარდება ჯანმრთელობის მდგომარეობის ზოგადი სამედიცინო შემოწმება, ამასთანავე, ექიმი აფასებს მოშიშხილის ფსიქიკურ მდგომარეობას, რომლის მიზანია განსაზღვროს, აქვს თუ არა მოშიშხილეს ფსიქიკური აშლილობის ისეთი ნიშნები, რომლებმაც შეიძლება ზეგავლენა იქონიოს გაცნობიერებული გადაწყვეტილების მიღების უნარზე. ასეთი ფსიქიკური აშლილობის ნიშნების გამოვლენის შემთხვევაში იზოლატორის ხელმძღვანელობა შესაძლო უმოკლეს ვადაში უზრუნველყოფს ექიმ-ფსიქიატრის მიერ მოშიშხილის შემოწმებას.

5. ექიმ-ფსიქიატრის მიერ მოშიშხილის ფსიქიკური აშლილობის გამოვლენის შემთხვევაში, შესაბამისი დასკვნის საფუძველზე, იგი არ განიხილება მოშიშხილედ და მის მიმართ ღონისძიებები განხორციელდება საქართველოს კანონმდებლობით დადგენილი ნორმების შესაბამისად.

6. შიმშილობის დაწყებიდან ორი დღე-ღამის განმავლობაში მოშიშხილე ექვემდებარება ექიმ-ფსიქიატრის გეგმურ შემოწმებას. აღნიშნული ვადის განმავლობაში, თუ საქართველოს სისხლის სამართლის საპროცესო კოდექსით დადგენილი წესით დაკავებულ პირს, რომელიც შიმშილობს, სასამართლოს მიერ აღკვეთის ღონისძიების სახით შეეფარდა პატიმრობა და მისი დიაგნოსტიკა ექიმ-ფსიქიატრის მიერ საპატიო მიზეზით ვერ განხორციელდა იზოლატორში, აღნიშნული ინფორმაცია ბადრაგირებისთანავე მიეწოდება პატიმრობის დაწესებულებას. ყველა სხვა შემთხვევაში იზოლატორის უფროსი, ექიმის დასკვნის საფუძველზე, მოშიშხილის ფსიქიკური მდგომარეობის დადგენის მიზნით უზრუნველყოფს მის შემოწმებას ექიმ-ფსიქიატრის მიერ, რაც აისახება მოშიშხილის ამბულატორიულ ბარათში და რომლის განმეორებითი ჩატარებაც განხორციელდება მოშიშხილის მდგომარეობიდან გამომდინარე.

7. მოშიშხილე იმყოფება ექიმის მუდმივი მეთვალყურეობის ქვეშ და თავისივე თანხმობის შემთხვევაში ვადის ყოველდღიურ სამედიცინო შემოწმებას, რის შესახებაც კეთდება შესაბამისი ჩანაწერი მოშიშხილის ამბულატორიულ ბარათში.

8. ექიმი ვალდებულია, ყოველდღიურად გაესაუბროს მოშიშხილეს განცალკევებით და დაადგინოს, უნდა თუ არა პატიმარს შიმშილობის გაგრძელება და რა ღონისძიებები შეიძლება გატარდეს, როდესაც მას აღარ ექნება გაცნობიერებული გადაწყვეტილების მიღების უნარი. აღნიშნულთან დაკავშირებით ექიმი აკეთებს სათანადო ჩანაწერს ამბულატორიულ ბარათში.

9. მოშიშხილე სურვილის შემთხვევაში უნდა განთავსდეს განცალკევებით, ხოლო ჯანმრთელობის მდგომარეობის გათვალისწინებით, ექიმის დასკვნის საფუძველზე, იზოლატორის უფროსის გადაწყვეტილებით შეიძლება მოთავსდეს იზოლატორის სამედიცინო პუნქტში.

10. მოშიშხილის ჯანმრთელობის მდგომარეობიდან გამომდინარე, მოშიშხილის სამედიცინო დაწესებულებაში გადაყვანის აუცილებლობის წარმოშობის შემთხვევაში, რაზედაც არსებობს ექიმის გადაწყვეტილება, იზოლატორის უფროსი ვალდებულია, მიიღოს ყველა საჭირო ზომა მოთავსებული პირის სამედიცინო დაწესებულებაში გადასაყვანად. აღნიშნული ინფორმაცია დაუყოვნებლივ ეცნობება მოშიშხილის ოჯახის წევრს ან კანონიერ წარმომადგენელს. მოშიშხილის გადაყვანა სამედიცინო დაწესებულებაში ხორციელდება ბადრაგის თანხლებით. ბადრაგირება ხორციელდება მოშიშხილის სამედიცინო დაწესებულებაში მოთავსების მთელი პერიოდის განმავლობაში, მაგრამ არაუმეტეს მოთავსების საერთო ვადისა.

11. მოშიშხილეს მიეწოდება საუზმე, სადილი და ვახშამი დადგენილი ნორმების მიხედვით, ექიმის რეკომენდაციების გათვალისწინებით. საკვების ყოველი მიწოდებისას მოშიშხილეს იზოლატორის მოსამსახურის მიერ განემარტება საკვების მიღების აუცილებლობის შესახებ. საკვების მიღებაზე უარის თქმის შემთხვევაში იზოლატორის მოსამსახურის მიერ კეთდება შესაბამისი აღნიშვნა მოშიშხილე პირისათვის საკვების მიწოდების აღრიცხვის ბარათში (დანართი №2).

მუხლი 6. შიმშილობის შეწყვეტა

1. შიმშილობის შეწყვეტის შემთხვევაში მოსამსახურე ადგენს შიმშილობის შეწყვეტის შესახებ ოქმს (დანართი №3) მოშიშხილის თანდასწრებით, რის შესახებაც დაუყოვნებლივ ეცნობება ექიმს, იზოლატორის უფროსს და ყველა იმ პირს, ორგანოს ან/და ორგანიზაციას, ვინც ინფორმირებული იყო შიმშილობის დაწყებასთან დაკავშირებით.

2. შიმშილობის ფაქტთან დაკავშირებული მასალები, გარდა მოშიშხილის სამედიცინო ხასიათის დოკუმენტებისა, უნდა დაერთოს პირის პირად საქმეს.

ოქმი
შიმშილობის გამოცხადების შესახებ

_____ (ოქმის შედგენის ადგილი)

_____ (თარიღი და დრო)

ჩვენ ქვემოთ ხელის მომწერნი, №... იზოლატორის მოსამსახურე _____

(სახელი, გვარი)

და ექიმი _____ ვადგენთ აღნიშნულ ოქმს, მასზედ, რომ ამავე იზოლატორის № _____

(სახელი, გვარი)

საკანში მოთავსებულმა პირმა _____ მწლის _____

(სახელი, გვარი)

(თარიღი, დრო)

დაიწყო შიმშილობა. მოშიმშილეს განემარტა მოშიმშილის მიმართ მოპყრობის წესი და უფლება-
მოვალეობები, შიმშილობის გაგრძელების შემთხვევაში სიცოცხლისა და ჯანმრთელობის შესაძლო მძიმე
შედეგების დადგომის თაობაზე, მასვე განემარტა, რომ შიმშილობის დაწყება არ ათავისუფლებს მას
კანონმდებლობით განსაზღვრული მოვალეობებისაგან. მოშიმშილესთან გასაუბრების შედეგად გაირკვა
შიმშილობის დაწყების მიზეზები, რა დროსაც მოშიმშილემ აღნიშნა:

მოშიმშილეს განემარტა, რომ მისი შიმშილობის თაობაზე ეცნობება საქართველოს შინაგან საქმეთა
სამინისტროს დროებითი მოთავსების უზრუნველყოფის დეპარტამენტის დირექტორს, საქართველოს მთავარ
პროკურატურას და საქართველოს სახალხო დამცველს, ასევე მისი სურვილით -----

მოშიმშილეს განემარტა, რომ მას უფლება აქვს, გაასაჩივროს მის მიმართ მიღებული ნებისმიერი უკანონო
გადაწყვეტილება კანონმდებლობით დადგენილი წესით. მიუხედავად ზემოაღნიშნულისა, პირი
_____ აგრძელებს შიმშილობას.

(სახელი, გვარი)

მოშიშვლებს განემარტა, რომ მისი თანხმობის შემდეგ, იზოლატორის მოსამსახურე მისი ოჯახის წევრს ან კანონიერ წარმომადგენელს მიაწოდებს ინფორმაციას მის მიერ შიმშილობის გამოცხადების თაობაზე, რაზეც _____ განაცხადა.

(თანხმობა, უარი)

მოშიშვლებს განემარტა, რომ სურვილის შემთხვევაში უფლება აქვს, შიმშილობის პერიოდის განმავლობაში მოთავსდეს განცალკევებით, რაზეც _____ განაცხადა.

(თანხმობა, უარი)

ოქმი შედგენილია ჩვენ მიერ, ზემოთ ჩამოთვლილი პირების თანდასწრებით, რომლებიც გაეცნენ ოქმს. ოქმი სწორია და ვადასტურებთ ხელმოწერით.

იზოლატორის მოსამსახურე

/სახელი, გვარი/

იზოლატორის ექიმი

/სახელი, გვარი/

/მოშიშვლებს პირის ხელმოწერა ან ხელმოწერაზე უარის აღნიშვნა/

მოშიშშილე პირისათვის საკვების მიწოდების აღრიცხვის ბარათი

№	საუზმე			სადილი			ვახშამი			
	თარიღი	საკვები მიწოდდა (დრო)	საკვები ალაგდა (დრო)	საკვები მიწოდდა (ხელმოწერა)	საკვები მიწოდდა (დრო)	საკვები ალაგდა (დრო)	საკვები მიწოდდა (ხელმოწერა)	საკვები მიწოდდა (დრო)	საკვები ალაგდა (დრო)	საკვები მიწოდდა (ხელმოწერა)

შენიშვნა: ბარათი თან ერთვის მოშიშშილე პირის პირად საქმეს.

ოქმი
შიმშილობის შეწყვეტის შესახებ

_____ (ოქმის შედგენის ადგილი)

_____ (თარიღი და დრო)

ჩვენ ქვემოთ ხელის მომწერი, იზოლატორის მოსამსახურე _____ (სახელი, გვარი)

და ამავე იზოლატორის № საკანში მოთავსებული მოშიმშილე პირი ----- (სახელი, გვარი)

ვადგენთ აღნიშნულ ოქმს მასზედ, რომ მ/წლის-----მოშიმშილემ შეწყვიტა მის მიერ (თარიღი, დრო)

გამოცხადებული შიმშილობა.

იზოლატორის მოსამსახურე

/სახელი, გვარი/

/იზოლატორში მოთავსებული პირის ხელმოწერა ან ხელმოწერაზე უარის აღნიშვნა/